



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Illvstrivm Miracvlorvm Et Historiarvm Memorabilivm Lib.  
XII**

**Caesarius <Heisterbacensis>**

**Antverpiae, 1605**

Quid sit conuersio, vnde dicatur, & de speciebus eius, cap. 2.

**urn:nbn:de:hbz:466:1-13177**

## LÍBER PRIMVS.

venit super montem Stromberg. Postea quarto anno descendit in vallem, quæ nunc dicitur vallis sancti Petri. APOLLONIUS: Cùm ex his quæ audiui, ordo Nigerorum & noster eiusdem sint regulæ, miror cur tam disparis sint disciplinæ. CÆSARIVS: Noueris Cluniacenses & Cistercienses vnius quidem esse regulæ, sed dissimilis obseruantia: aiunt enim rigorem regulæ à quibusdam sanctis patribus esse temperatum, ut multi in ordine possint saluari. De habitu vero, in quo maxima videtur esse diuersitas, audi quid dicatur; De co-  
s. Bene-  
lore aut grossitudine non causentur monachi, sed dict. cap.  
quales inueniri possunt in prouincia qua habitant,  
aut quod vilius comparari potest. Hęc de his dicta  
sufficiant. Hoc autem fixum teneas, ordinis nostri au-  
ctorem esse Spiritum sanctum; institutorem sanctum  
Benedictum; innouatorem vero venerabilem Abba-  
rem Robertum.

## CAPUT II.

### APOLLONIUS.

**C**onsiderans in præfatione tua ordinem propositæ narrationis, miror contritioni anteposita gratiam conuerzionis, cùm videatur prorsus superfluum, ut quis conuertatur, nisi prius de peccatis suis conteratur. CÆSARIVS. Contritio aliquando præcedit conuerzionem, aliquando sequitur. APOLLONIUS. Vellem mihi hoc exemplis probari: prius tamen audire delectat, quid sit conuersio, vnde dicatur, quot sint eius species, seu quibus occasionibus quis conuertatur. CÆSAR. Conuersio est cordis versio, vel de malo in bonum, vel de bono in melius, vel de meliori in optimum. De hac conuerzione per Salomonem dicitur: Verte impium, & non erit; subaudis, peccator, quod prius fuit. Prima versio est ad cor, secunda in corde, tertia de corde: prima cōuerzionis, secunda deuotionis, tertia contéplationis. Cōuersio ad cor est redire de culpa ad gratiam, de peccato ad iustitiā, de vitio ad virtutē; de hac per Isaiam dicitur: Preuaricatores redite ad cor. Conuersio in corde est profice-

Prov. 12

Isaie 46

#### DE CONVERSIONE

*Psalm. 83.* re in charitate, ire de virtute in virtutem, donec videatur Deus deorum in Sion, id est, in contemplatione de hac per Psalmistam dicitur: Ascensiones in corde suo disposuit, &c. Conuersio de corde est mentis excessus in contemplatione: hac vfa sunt cælestia illa animalia, quæ ibat & reuertebantur. Ibant de corde ad Deum, per contemplationem ascendendo; reuertebantur ad actionem rursum descendendo. Contemplatio supra cor est, vnde excessus mentis in scripturis dicitur. Dicitur autem conuersio, quasi simul versio, id est totalis. Secundum hoc, qui vnum vitium deserit, & ab altero non recedit, se quidem vertit, sed non conuertit. Vnde Psalmista orat; Conuertere nos Deus salutaris noster, &c. Est & alia species conuersionis, cum quis locum & habitum mutat, zelo alicuius religionis. Talis conuersio sape fit sine contritione. Neque magnum est coram Deo peccatorem mutare locum, & non vitium; mutare vestem, & non mentem. Monstrosa res est, sub vestitu ouium, cor gerere lupinum. APOLLONIVS. Nunquid hoc contingere solet? CÆSARIUS: Etiam, ecce exemplum.

#### CAPUT III.

*De ijs quib* **R** Etulit mihi frater Godefridus monachus noster, quondam canonicus sancti Andreæ in Cölonia, cum essemus simul in probatione, re digessione ha-nâ memoria. Asserebat sibi à quodam monacho Clabitum & ræuallis bene noto relatum, quendam clericum actu locū, non trutatum, quales per diuerias vagari solent pro autem mentem ordinis, sed ut aliquid monasterio raperet sub pallio mutant. religionis. Factus itaque nouitius, cum per totum annum probationis suæ insidiaretur ornamenti Ecclesiæ, & propter diligentem custodiæ satisfacere ne quiuisset cordis sui malitiæ, hæc intra se cogitabat: Cum factus fvero monachus, & licuerit ministrare, sine nota ac labore ipsos calices subtraham, sicque recedam. Ecce tali intentione legit professionem, promisit obedientiam, induit cucullam. Sed pius Dominus, *Ezech. 18.* qui non vult mortem peccatoris, sed ut conuertatur

&